

玉機微義卷之五十

小兒門

○論色脉法

脉經曰。小兒四五歲。脉呼吸八至。細數者吉。○小兒脉呼吸八至者平。九至者傷。十至者困。○診小兒脉法。多雀闔。要以三部脉爲主。若緊爲風癇。沉者乳不消。弦急者客忤氣。○小兒是其日數應變。蒸之時。身熱而脉亂。汗不出。不欲食。食輒吐。喎者。脉亂無苦也。小兒脉沉而數者。骨間有熱。欲以腹按。冷清也。○小兒大便赤青。辨飧洩。脉小手足寒。難已。脉小手足溫。易已。○小兒病因。汗出如珠。著身不流者死。○小兒

王樹德醫書卷五
病其頭毛皆上逆者必死耳間青脉起者痙痛○小
兒病而顙陷其口唇乾目皮反口中氣出冷手足四
垂其卧如縛掌中冷皆死不治

脉訣啓蒙曰凡診小兒脉當大指按三部一息六七
至爲平和八九至爲發熱五至爲內寒弦脉爲風癰
沉緩爲傷食促急爲虛驚弦急爲氣不和沉細爲冷
浮爲風大小不調爲鬼祟浮大數爲風熱伏結爲物
聚單細爲疳勞風腸痛多喘嘔而脉洪爲有虫浮而
遲潮熱者胃寒也

按此本錢氏脉法也頗詳

虎口脉歌曰紫風紅傷寒青驚白色疳黑時因中惡

黃即困脾端

按全嬰等書云。小兒三歲已前。虎口第二指上寅卯關。有脉紋見者。可驗病狀。男左女右視之。脉紋從寅關起。不至卯關者。病易治。若連於卯關者。有病難治。如寅連卯。卯侵遇辰關者。十難救一。若脉紋小或短者。病易治也。宜參視之。

錢氏曰。面上證。左腮爲肝。右腮爲肺。額上爲心。鼻爲脾。頰爲腎。赤者熱也。隨證治之。○目內證。赤者心熱。導赤散主之。淡紅者心虛熱生。犀散主之。青者肝熱。瀉青丸主之。淺淡者補之。黃者脾熱。瀉黃散主之。目無精光者腎虛。地黃丸主之。潔古曰。青是腹痛。桂枝

為藥湯主之○潔古曰肝病面白○肺病面赤○脾病面青○腎病面黃○心病面黑若肝病驚搐而又加面白痰涎喘急之類此皆難治餘皆倣此推之叔和云春得秋脉定知死亦此意也

按錢氏云者本病也潔古則兼勝已制化言之故後五臟形證不容不辨也

○論五臟形證虛實所主

錢氏曰肝主風實則目直大叫呵欠項急頓悶○虛則咬牙多欠氣熱則外生氣溫則内生○肝熱手尋衣領及亂捻物瀉青丸王之壯熱飲水喘悶瀉白散主之○肝有風目連劄不搐得心熱則搐治肝瀉青

九。治心導赤散。○風甚身反張強直不搐。心不受熱也。當補腎治肝。○肝有熱目直視不搐。得心熱則搐。治與有風同。○凡病或新或久。皆引肝風。風動而止於頭目。目屬肝。風入於目。上下左右。如風吹不輕不重。見不能任。故目連劄也。若熱入目。牽其筋脉。兩眦俱緊。不能轉視。故目直也。若得心熱則搐。以其子母俱有實熱。風火相搏故也。

潔古曰。肝主謀勇。熱則尋衣捻物。目連劄直視。不能轉視。或極則身反強直折。皆風熱也。目者肝之竅屬木。木性急故如是。

錢氏曰。心主驚。實則叫哭發熱。飲水而搐。○虛則困。

卧悸動不安○心病多呌哭手足動搖驚悸○心氣熱則心胃亦熱欲言不能而有就涼之意故合面卧○心熱視其睡口中氣溫或合面睡及上竄搖頭咬牙皆心熱也導赤散主之○心實則氣上下澁合卧則氣不得通故喜仰卧則氣得上下通也瀉心湯主之

錢氏曰脾主困病則困睡洩瀉不思食○實則困睡身熱飲水○虛則吐瀉生風

肺主喘實則悶亂喘促有飲水者有不飲水者○虛則哽氣長出氣○肺熱手摛眉目鼻面○肺盛復有風冷胸滿短氣氣急喘嗽上氣當先散肺後散風冷

肺只傷寒。則不胸滿。○肺虛熱。唇深紅色。治之散虛熱。○肺臟怯。唇白色。當補。若悶亂氣。竈喘促。哽氣者。難治。肺虛損故也。○脾肺病久。則虛而唇白。脾者肺之母也。母子皆虛。不能相營。故名曰怯。肺主唇白。白而澤者吉。如枯骨者死。

潔古曰。肺主氣。燥熱則壯熱。飲水喘悶。鼻乾燥。手捫眉面。瀉白散。○胸滿短氣。氣急喘嗽上氣。皆是肺氣有餘。復感風邪之所傷。謂之微邪。先瀉而復發散之。錢氏曰。腎主虛無實也。惟瘡疹腎實。則黑陷。○腎虛兒本虛怯。由胎氣不成。則神不足。目中白睛多。其顙即解。解謂自開也面色眇白。此皆難養。縱長不過八八之

數。若恣色慾。多不及四旬而亡。或有因病而致腎虛者。非也。又腎氣不足。則下竄。蓋骨重。惟欲墜下而縮身也。腎水陰也。腎虛則畏明。宜地黃丸補之。

潔古曰。下竄者。腎氣不足。兩足熱。不喜衣履足。然此者。臍以下皆腎之所主。緣心氣下行於腎部也。此乃腎不足而心有餘。宜地黃丸。

○論五臟相勝虛實之邪

錢氏曰。五臟相勝輕重。肝臟病見秋木旺。肝強勝肺也。宜補肺瀉肝。輕者肝病退。重者唇白而死。

肺病見春金旺。肺勝肝。當瀉肺。輕者肺病退。重者目淡青。必發驚。更有赤者。當搐爲肝怯。當日淡青色也。

心病見冬火旺。心強勝腎。當補腎治心。輕者病退。重者下竄。不語腎怯虛也。

腎病見夏水勝火。腎勝心也。當治腎。輕者病退。重者悸動。當搐也。

脾病見四旁。皆倣此治之。順者易治。逆者難治。脾怯。當面目赤黃。五臟相反。隨證治之。

又曰。如肺病。又見肝證。咬牙多呵欠者。易治。肝虛不能勝肺故也。若目直大叫哭。項急煩悶者。難治。蓋肺病久則虛冷。肝強實而反勝肺也。視病之新久虛實。虛則補母。實則瀉子。

素古曰。肝勝肺則肝病。身熱發搐。又見肺虛喘而氣

五機微義卷五十五
短病見於申酉戌時。是肝真強也。內經曰受肝制而
不能制。謂之真強。法當補脾肺而後瀉肝。瀉肝導赤
散。補脾肺。益黃散。

肺勝肝。則肺病。喘嗽氣盛。見於寅卯辰時。木之位。又
以見肝怯少力。正爲鬼賊所尅。法當補肝瀉肺。若肺
病嗽久。虛羸無實。不得瀉肺。只宜用地黃丸補之。不
可服瀉白散。何謂也。經云虛則補之。實則瀉之。

按此謂五臟相勝病機。不離五行生尅制化之理
者。蓋小兒初在襁褓。未有七情六慾。只是形體脆
弱。血氣未定。腑臟精神未完。所以有臟氣虛實勝
乘之病。但世俗不審此理。往往遇是。率指爲外感。

內傷而用藥致枉死者多矣。悲夫。矧錢論脫略。幸而索古補之。今特叅附。誠所謂無窮之惠也。

索古曰。五臟子母虛實。鬼賊微正。若不達旨意。不易得而入焉。

在前者爲實邪。

子能令母實。拒鬼賊不敢傷於母。其子又引母所尅者妻相助。故曰實邪也。

在後者爲虛邪。

母引子之鬼賊至。由此母能使子虛也。內經曰。子能令母實。母能令子虛。此之謂也。

妻來乘夫爲微邪。

夫來乘妻爲賊邪

法當瀉鬼補本臟

本臟自病爲正邪

法當虛則補之實則瀉之內經曰滋苗者必固其根伐下者必枯其上逆其根則伐其本伐其本則敗其真矣

按此以五行生尅之道論也義見難經五十難及後五臟治要論宜參攷之

心主熱自病或大熱瀉心湯主之

實則煩熱黃連瀉心湯主之

虛則驚悸生犀散主之

肺乘心微邪

喘而壯熱瀉白散

肝乘心虛邪

風熱煎大羌活湯下大青丸

脾乘心實邪

洩瀉身熱瀉黃散

腎乘心賊邪

恐怖惡寒安神丸

按乘者猶乘車之乘也。大抵五臟之病相乘伏匿
隱顯莫測。已上但言本病乘勝之道。故以五臟治
要附于左。宜參攷焉。

凡心臟得病。必先調其肝腎兩臟。腎者心之鬼。肝氣通則心氣和。肝氣滯則心氣乏。此心病先求于肝。清其源也。五臟受病。必傳其所勝。水能勝火。則腎之受邪。必傳於心。故先治其腎。逐其邪也。故其退腎氣。益肝氣。兩方或診其脉。肝腎兩臟俱和。而心自生疾。然後察其心。家虛實治之。

肺主燥。自病則喘嗽。燥則潤之。

實則喘而氣盛。瀉白散。

虛則喘而少氣。先益黃散。而後阿膠散。

心乘肺賊邪。

熱而喘嗽。先地黃丸。中導赤散。後阿膠散。

肝乘肺微邪

惡風眩冒昏憒軟。羌活膏

腎乘肺實邪

憎寒軟清利。百部丸

脾乘肺虛邪

體重吐痰泄瀉嗽。人參白朮散

凡肺之得疾。必先觀心之虛實。若心火炎盛。鑠金。即當先抑心氣。後喫肺藥。若心氣和。即更看脾脉。若脾氣虛冷。即不能相生。而肺家生氣不足。則風邪易感。故患肺寒者。皆脾虛得之。若脾氣盛實。則亦痞隔中焦。而大腸與肺表裏不能相通。六中焦

熱隔則肺大腸不通其毒熱之氣必上蒸於肺而生疾故患肺熱者多脾實得之心氣盛瀉之脾氣虛者益之脾氣實者通之然後隨其肺之寒熱以治之故有抑心氣益脾氣通脾氣三藥若診其脈氣心脾兩臟俱和而肺自生疾則但察肺家虛實而治之

肝主風自病則風搖拘急肝苦急急食甘以緩之佐以酸苦以辛散之

實則風搖力大瀉青丸

虛則風搖力少地黃丸

心乘肝實邪